

南江詩鈔

南江詩鈔卷一

餘姚 邵晉涵 二雲

喜晴次周孝廉簣谷

簣榮

韻

霽色開龍岫憑高坐草亭雲歸千嶂碧月上萬松青鷺
羽衝煙澹鳩啼喚夢醒何當一瓶酒來問太元經

六月十三夜周衡齋

助潤

先生畱飲對月分得明

字

蘊隆逼三伏鬱火雲崢嶸經閣迴虛敞薄暮涼風生我
來問奇字巨鑪叩鏗鐫解衣任疎放置酒臨前楹舉頭
天際月已麗朱簷薨於時大火中金餅漫欲盈微雲絕

點綴皎鏡光太清直疑積水浮晃漾秦珠明參差雜花
卉荇藻紛縱橫雙柏最奇古倒映龍蛇縈屋角露遠山
絕嶂饒孤撐江城耀金碧煙靄凝瑤京拍手叫奇絕一
樽還自傾虛堂滅華燭几席增晶瑩歷歷衆星轉飄飄
絺袂輕更闌欲分手瞻顧餘深情

月夜衡齋先生招沈補山

元勳

彈琴因畱小飲分

韻得琴字

對酒陪中散良宵聽鼓琴蟹行沙渚遠雁落楚雲深皎
鏡空庭月冲和靜者心曲終輪影轉風樹繞清音

十八日同周衡齋先生徐藍厓

炎

丈張羅山

廷枚

樊中潭

耀碧

攜酒過曹秋漁書齋

爲踐登山約攜樽得得來
納涼銀杏樹泛酒白蓮杯
山靜基聲細江平帆影開
解衣任真率高興坐莓苔
蒼然暮色起斜照亂峰開
啜茗風微入論詩客未回
薄雲巖下合新月蚌中來
歷歷雙城路江橋首重迴

苦雨

經時頻苦雨秋半復淒淒
雲重千峰失潮橫兩岸齊
荒階蜻蛚語深樹鶉鴝啼
日暮南樓外蒼蒼望眼迷

病起

病起登高去秋深萬象清
雨餘千木瘦潮落半江晴
平

野浮霜氣空山落雁聲
緬懷同調者何限碧雲情

旅館有懷

暮風蕭颯動疎林
獨對寒檠思不禁
旅舍三朝聽雨客
庭闈百里倚門心
雁沙渺渺畱痕淺
雉堞泠泠報漏沈
明向吳山高處望
越州一片白雲深

雨後見月漫成

吳山細雨日廉纖
誰復銜泥步廣檐
蝸角昨朝初對壘
冰蟾今夜忽開匳
澤瀉積蘚猶含潤
風帶清霜已覺嚴
庭外西湖近咫尺
濛濛煙樹遠山尖

二十六夜風雨泊舟曹娥江口占

搏風萬里捲雲堆一葉輕舟滯水隈
檢點行蹤堪一笑浙西飛雨帶歸來

孤篷靜夜擁衾寒蠻觸紛紛指一彈
孝女祠邊然燭坐枯葉風戰葉聲乾

與楊大以立

執禮

夜話

今夕爲何夕三人話夜長殘更一卮酒
寒月滿樓霜淪落他鄉客蕭條久客裝
君今故里去吳越各參商

懷金源醴

三俊

同用州字

朔風挂席渡蛟州翁浦盤陀攬勝遊
日落梅門鯨浪靜空青珥赤照雙眸

用吳淵穎詩中語

春來貳室足淹留絕島荒城枕碧流唯有四明長在望
應懷舊雨憶姚州舟山孤島懸隔海外惟四明以四百
八十丈之高屹立天半常入望中來
書有云東望四
明神情俱注

早春對雪用歐陽體簡周大紫藩 宗樞 周二起凡

宗杰 兼懷金三源醴

去年雪瑞表盈尺郊原冉冉長麥芽新年天氣忽驟暖
園林馥馥舒梅花輕裾單袷頗適體鸛鵲底用稱紛奢
豈知陽亢陰則伏一寒一暑相交加穀日鯨鐘欲破曉
阿香拍格喧雷車清晨懷惻惻朔風緊參差雨腳森如麻
瓦溝漸瀝暮飛霰飄蕭響雪鳴簷牙連朝翦水斷復續

萬里漠漠同雲遮整斜疎密各有態包羅委瑣紛無瑕
光搖燈市彩山眩聲咽畫鼓漁陽槌披離修竹拂茅壁
侵陵弱柳敲平沙三江水寒凝洛澤四明峯迴迷谿衍
吾聞春雪不到地巨然畱畫空矜誇孟陬胡爲亦封野
依然明耀臨千家乃知滕六最變幻散彩翻使春增華
回溯已冬集經閣一堂白戰人無譁石光敲火越二載
茶槍藥裹爲生涯春來頗覺暢懷抱況對寒景饒清嘉
揮毫呵凍欲尋約素心不見徒咨嗟兩周才力嬾軼轍
定盤硬語吟尖叉經過擬飲葛三酒招邀欲設陶公茶
兼憶金子客海外清音直可追瓠巴幾時乘興來越水

輕舟棹轉聲軋鴉東膠咫尺苦泥淖滄洲更覺程途賒
何不化作雲龍共追逐相與銜杯對景吞流霞

海市六十韻

沛澤環山縣枌榆近水鄉時平瀾靜謐望遠海汪洋百
怪森羅列羣流浩渺長蜃樓多瑰異海市越尋常偶見
神應眩頻看意不忘奇觀真至幻寫狀最難詳輕暖陽
春老瀾漫積霧黃氣蒸疑酷暑雲慘掩初暘元象迷煙
靄波光接顙蒼鏡平連若木練淨挂樽桑負重鼉擎柱
淩虛鼉駕梁潛蛟騰寶氣靈蚌吐奇光田訶麻姑變天
疑壺叟藏依稀開世界恍惚闡疆場紅映鴛鴦瓦青浮

薜荔牆回環明畫檻冥洞啟蘭房簾捲鰕鬚動簷高雁
齒裝列屏看翡翠繞砌擁琳琅泉室珠爲帳虬宮玉作
堂瓊漿瑪瑙蓋冰簟象牙牀執旆呼風伯推車喚阿香
褊褊金埒馬炫耀繡襦裳朱袖分花翠鮮裘重鷓鴣爲
誰歸市急幾處趁墟忙仙侶風華客龍姝窈窕娘珊瑚
輝閃閃火齊影煌煌水碧時攜弄明珠遠寄將馬人時
往復蜚戶與徜徉泉客鮮明服蛟綃淺澹妝升沈看縹
渺瞻顧屬微茫訝許遊金谷還疑入錦坊綺羅勝漢苑
燈火似西涼雲路三千極鵬程萬里翔傳聞多奧衍雅
意望懷襄憶昔蛟川役追隨海澨傍寶山曾眺覽雉堞

喜瞻望羣岫羅羅髻平沙漠漠霜浪高迷略約風定集
餘艫閩客魚鹽利紅夷玳瑁相檣烏分兩背舟鷁散千
行百道餘霞勢中天澹日光雲濤遙合併村落忽昭彰
形象看明滅樓臺任抑揚恒沙問摩勒法界想空王照
眼真還幻披襟喜欲狂始知天浩蕩不道語荒唐遙指
排雲出真思駕葦杭羈栖一別後迢遞十年強偶作句
章客閒遊歷海塘衛城登埤堦銀坑上高岡川后波澎
湃天吳勢蹶猖石華晴雪散鐵扇朔風颺應禱慚蘇叟
雄才愧木張懷奇空眇眇念舊獨悵悵有客談元理爲
余賦遠方神州騰楫馬瀛渤駕風檣躋足凌三島迴睨

覽八荒暨頭開富麗閣勢聳堂皇目覩神蕭爽心遊氣
激昂凌雲推作手才思拓絃澹

題某行看子

琉璃萬頃鏡新磨涼月初添穆穆波何似孟家亭子上
澹雲疎雨見銀河

跨海寧須片席風乘槎欲問斗牛宮羣仙幾輩排雲出
玉闕金臺杳渺中

春郊懷楊大以立

碧雲遮野岸綠水繞江城曾與君遊處今傷我獨行花
殘啼鳥緩山遠暮雲橫春色眞無賴憑高不勝情

夏日湖中雜興

空濛山翠望偏遙
明鏡流中蕩畫橈
一路荷花三十里
晚風吹上定香橋

蕭蕭襟袖透颼涼
村店青帘是處颼
記得杼山清句好
荷花世界柳絲鄉

寄懷金三源醴

久作餘杭客懷人
隔海天旅程淹日月
歸夢各山川暮
雨聞啼鵲深林聽杜鵑
蹇修空脈脈微尚若爲宣
我唱吳中曲君爲會上吟
都將短長調引出別離心
鶴怨南雲迴鸞驚夜月
沈海風吹不斷飛度甬江潯

翁浦接胥洲君今三載遊夜潮雙峽合朝日萬峰頭聞
有神仙窟珠宮白壁樓星槎應問渡拂袂挹浮邱
桂樹山中直繁英月下飛應追攜手好莫惜賞心違遠
岫浮空碧澄潮澹夕暉閒庭秋草綠公子定言歸

雪霽有懷楊大以立

雪光皎潔照雙城三徑蕭然廢送迎殘臘深宵金餅麗
故人新句玉壺清紅梅映水橫疎影白雁穿雲響遠聲
占律已知春信近聽鶯花下擬聯盟

曉次錢清江

雲木參覃曉景微錢清江上雨霏霏低迷麥秀迎風綠

萬頃平疇野雉飛

一葉扁舟破浪花
竹林深處見人家
煙村知是蕭然山
近綠黛春風過若耶

固陵旅舍月夜聞笛

一聲江上笛吹破碧雲陰
明月半輪影羈人千里心
天高歸雁落海近臥龍吟
此夕庭闈夢先期到武林

固陵曉行

肩輿行曉路入望固陵寬
吳越雄圖盡方王舊壘殘
山深畱臘雪江遠激風湍
沽酒青帘近三杯解宿寒

寄家書

鄉樹重江外春來影尚寒
病餘思作健客裏勉加餐
山湧層雲白湖涵曉日丹
殷勤藉雙鯉一爲報平安

立春日曉晴登吳山十二峰望江

羣山環武林遠近聳羅髻
紫陽挺危峰秀擅東南最
三年別越州目想層雲際
茲來屬孟陬宿雨崇朝霽
閭迴春陽澤國消陰翳
駕言蠟雙屐古路雲根細
岡草披和風帶露沾衣袂
遙見石丈人昂首迎路次
爲憐太瘦生顧影頗相類
風磴羊腸紆林梅羅袖媚
絕頂擬攀躋惆悵重門閉
瞻此十二峰掃莓聊小憩
直視海天空風檣浮芥蒂
一綫轉層瀾瀉向天河外
陰陽走兩丸中央

互涵蔽聲奪岳陽潮氣吞雲夢勢彷彿神女來煙霞擁
珠翠我本嶽崎人夙負向禽志椒蘭佩徒紉菱荷衣未
製眷此吾州山一縱千里睇仙閣飛來峰請俟避暑至

燭花次徐丈藍塍韻

爲問燈含藥何如燭耀花玉蟲輝獸錦金粟透蟬紗裳
醒宸妃榻蓮迴學士家盤疑生火樹莖訝綻銀花不夜
枝長亞先春瓣早華薪傳應藉草膏染自培芽案轉琵琶
合筵披芍藥斜瀛洲傳珥筆照道五雲車

上元月夜有感

新月今宵滿山窗只獨看波光兩湖合樹影六橋寒樓

迴金輪近城寬火樹攢鄉風憶說餅把酒話團圓

客舍喜張二淳初

義年

見過

羈愁無次第鄉思繫蘭陔山外春陰薄佳人日暮來書
傳雙玉鯉春贈一枝梅

時得家書及周
二淡人近作

斟酌尊前喜燈

花昨夜開

吳岫盤空翠相期伴索居江湖隨地闊星月照簷虛竹
屋容高臥松窗宜讀書破愁懷夙好風雨轉憐渠

謂淡
人簷

金三
源臨

吳山小徑梅花盛開用張淳初韻

古路獨行客相逢縞袂仙香清半湖水影瘦夕陽天標

格邀誰賞芳魂默自憐春風偏護惜不乞

上聲買花錢

吳山道院雨中望西湖用王阮亭望湖中法華漁

洋諸山韻

我昔居西湖身入畫圖裏茲來客吳山直視空青水春
雨暮霏霏錯落疎梅蕊杳靄空濛閒煙光淡城市淦淦
青絲縑戎戎白躋豕幻態何迷離中有元虛理濃霧忽
橫空水墨屏風比亂峰去若迴溼雲行復止一氣化三
山吞吐相終始生平經行處到眼翻疑似始知明聖湖
雨景更奇詭山水含清輝因風落畫几寧須嶽雨霑收
拾青鞵底嘯傲凌滄洲君言且休矣

武林織機坊有梅百餘株花時觀者相屬予惜其
混迹塵埃殊失冷蕤疎枝之性詩以嘲之

武林城南春事早亂插梅花向晴昊新妝豔態搖春風
織機坊裏香雲繞沈沈院落帶疎煙砌光白紵相新鮮
綺衣夢覺羅浮遠芳信飄零落人海貞心應化杜鵑啼
羞向東風開蓓蕾君不見百物浮沈無定時朱門蓬戶
互遷移寒香苦憶吳山好竹外斜陽見一枝

無題八首

家近長干十二橋娉婷不嫁度芳朝畫奩此日餘金粉
繡戶當年買翠翹太守昨迴青雀舫參軍曾挽紫雲髯

相逢恐少同心客東郭西溝見兩樵
五角迢迢映六張蹇修欲度水雲長香痕幾見窺韓掾
花片何曾逗阮郎誰種白榆畱客住空調金縷爲人忙
翠簾日暮愁相望不解逢時豔冶妝

羅襪香蹊蹴軟塵相看誰是比肩人只憐瘦骨支清夜
爲惜濃花病早春新水寄將函畔淚遠山愁似鏡中顰
如何洞口芳菲在不見仙航再問津

好事何期與願違芳年待字重因依諸姑對鏡裁文祿
小妹當窗理嫁衣谷口羊歸雲漠漠門前棗煖日輝輝
香牀好倚無心倚怕見鴛鴦枕畔飛

半年耽病謝臙脂爲見春光感歲時
欲采碧桃勻粉面
擬攀金柳比腰肢
草閒撲蝶無人見
陌上分襟有夢知
不那雲廊逢阿母
嗔兒懶慢笑兒癡

金波穆穆透窗紗
誰識殘妝簇晚霞
未免有情占鵲喜
可憐無語數燈花
魚盤繡閣合金屑
蘭煖雲房透玉芽
翠鳥縱啼秦吉了
芳期猶待七香車

春雨春風惹恨多
妝臺猶自畫雙蛾
南樓枉用薰蘭麝
東里何心競綺羅
自有知音房仲律
豈無悔過竇連波
懊儂翻作河洲曲
畱與心歡比枕歌

瘦影寒姿默自憐
底須獻笑市門前
馬頭雲遠胡曼合

蠶尾春深綠纈懸無可如何花拂雨誰能堪此月當筵
鵲橋猶喜秋期近好共星郎度漢躔

題風竹圖

翛然素壁橫修影誰寫簾簾三兩株憶向四明溪畔見
風枝雨葉嘯山鵠

出清波門泛湖過第四橋迴眺

春雨點湖波潋豔澄如鏡四山新翠流羅歷朝煙淨步
屨出清波行春試游泳小舟如缺瓜畫槳波心競嫋嫋
柳含穉淦淦蒲生迸空濛萋萋閒彫檣屬高凭新沐出
層巖澹洗朝妝靚碧玉納青蘿詼蕩中流併雲移第四

橋龍偃沙隄橫爲憐勝景移不覺川程
隻到岸更回眸
欲去情猶凝山水含清暉雲日相輝映
三歎謝公言何
人繼高咏

沿山徑至寶掌橋小憩

舍舟陟廣途逍遙展予步娉婷西子湖
凝妝待回顧遙
山出晴雲霏霏如擘絮千重修竹林一
徑蒼松樹茅舍
帶疎煙崇岡引輕素蹊曲架危橋渺渺
行人度寶公迹
已遐緇流緬非故想見密林間野鶴雲
中驚大道湧金
碧亭臺難具數愛此谿澗聲八解清流
注恍入四明山
蠟屐披雲霧何處移白龍青天飛瀑布
曰余羈疎瓢懷

鄉積悃慮一水抱雙城頗協滄洲趣對景憶家園撫檻
重容與僕夫遠有期相招卽前路

遂由見心亭至上天竺有懷蘇文忠公

白雲峰頂迴乳竇泉聲續孤亭出中道清景供遙矚旃
檀被體香嵐翠霑衣綠踏閣復攀林言造三天竺法宇
結層陰雲嵐逗嘉木松檜何蕭蕭依稀露蒼荀曾聞白
衣仙選夢來深谷如何楊枝雨變作扶桑旭物理任推
遷元機有盈縮我思蘇長公會就繩牀宿神光出寶髻
山臺畱往復當年雪霽時過溪飛屑玉至今宿雨晴望
古懷芳躅千載空相思騁望傷春日

轉之靈隱飛來峰坐山亭觀冷泉放水處

飛鷺落空中吐爲青菡萏錯落散華趺互地青螺點想
從風雨移或被蛟龍撼我向天竺來山路雲衣斂欲入
青林巖徑曲光疑闇古洞森幽祕穿漏紅霞激妙相具
莊嚴慧理畱深鑿巧匠琢山骨經營頗慘澹好事移眞
伽轉使嘉名掩飛來峰石佛爲六朝僧慧理所鑿見咸
淳臨安志後人誤爲楊旆眞伽開鑿多
毀去石佛面目田叔禾有誅髡
文方棠陵有翻案事皆誤也緣磴入靈橋冷泉入清
覽皎鏡無纖塵風迴白玉簾寧須荇藻浮映月生碧毯
前期憶向禽淩虛發遐感相逢恨苦遲欲去情猶歎有
如好饑人當餐多顧領他年擬結茅瀟灑脫名檢

入雲林寺望北高峰

招提倚晴翠，攀蘿入雲林。但聆山水韻，不聞鐘梵音。
環堦枯子松，拔地回陰森。海眼決流泉，玲瓏鳴玉琴。
寒巖宿積雨，廣殿生春陰。高峰耿北峙，傑閣臨崎嶇。
欽湧吐檀几，前空際呈瑤簪。憶昔句漏公，對此疎煩襟。
想當清秋夜，中有孤猿吟。風送海門潮，法宇涵昇沈。
兩湖互掩映，綠綺生華衾。月明拾桂子，涼夜期重尋。

將歸姚江畱別宗叔景伊贊程

滿挂風帆趁曉晴，因依兩月若爲情。
茶籤藥裹關心切，綠蟻紅花照眼明。
此日練波催送鷁，何時金縷聽遷鶯。

仲容敢詡青雲器慰藉深勞阮步兵

畱別族弟載堂

吳山越水信迢迢鄉味方言慰寂寥疑是新豐移舊社
粉榆未覺望中遙

朋樽射覆款深情對几聯詩夜景清別後思量忘不得
樹橫花亞月三更

武林歸興十首呈徐丈藍塍

落拓吳山兩月餘武林春事近何如雨絲風片垂楊影
爲送新愁到客居

螺子岡前夕照瞋河隄春水綠汙汙分明馬遠圖中見

一角西湖對碧雲

湖頭春信到花叢帶雨凝寒綻小紅欲識東君培護意
不教容易嫁春風

芳期新數閨中和無賴春光逐逝波記得錢江初問渡
試燈影裏聽笙歌

吳岫登臨首重迴越江天遠白雲堆春來慣滴思鄉淚
自接家書轉怕開

蕙江風煖競芳菲紅杏花開碧蘚肥應被子規林外笑
故園春好不思歸

東風料峭做裘寒病骨稜稜束帶寬珍重徐公頻慰藉

魚羹筍飯勸加餐

偶託新詞窈窕娘。做裙敢望報雲襄。澹懷自合推前輩。

許奏盈盈入畫堂。

先生見和無題詩入首

女蘿幾見附喬林。獎借偏勞長者心。此日花前彈別鶴。
之罘深意寄鳴琴。

爲憐耽病度芳春。空憶三橋煙景新。寄語西湖莫相負。
須教秋色倍還人。

代人賦貞女詞

宛轉孤鸞操淒清。素女琴斷絲千里。信抱木百年心越。
水寒風勁燕山夜。月深冰微標苦節。三疊有遺音。

迢遞金沙路心期素雨迎作羹晨膳絜授紡夜燈青合
著彤聞史先傳樂府聲漫勞朱秀水重爲溯源貞

和張叟蓋翁

果

自題詩集元韻

編年檢點一囊詩大雅扶輪若箇知鬚鬢雪霜猶作客
江湖瓢笠總相隨可堪元亮長歸隱自笑蘇公不合時
賴有琴樽消硯壘錦山高處吐新詞

蔣振菴先生

志鐸

見和前詩即賦奉酬

敢因繪素許言詩蒲柳深慚國士知泰岱中天千嶂繞
月華當曉一星隨九還丹就沖霄日五色花生照夜時
座有龐眉老尊宿吹麅同聽碧霄詞

臨安九日登高詩次蓋翁先生韻

光騰東壁射雲樓不比青黃笑桺牛九口黃梅思醉客
萬山楓葉早鳴秋錦袍玉帶堪懷古酒伴詩朋合解愁
舊是髯蘇畱咏處玲瓏水調韻悠悠

宣文已徧玉山樓問俗應添五牯牛山色當窗遙送翠
春風滿座不知秋孟桓定續龍沙賦方謝休歌竹屑愁
誰把芳蹤追戲馬鳴琴三疊更悠悠

龐眉居士約登樓點綴霜毫笑畫牛錦樹婆娑畱霸國
商聲清脆感深秋佩萸囊在仍佳節擊鉢詩成破旅愁
三影三中傳秀句碧雲明月兩悠悠

南江詩集 卷一
扁舟憶別望京樓一曲華陽感飼牛人乍拋離槐省夢
天教瀟灑錦城秋幾看玉勒歌三節合向銀蟾咏四愁
欲采黃花壽陶令羊求開徑自悠悠

四明深處聳煙樓時把奇書挂角牛瀑布迸珠常作雨
石窗蟠樹不禁秋蘋洲記向前江別菊礪渾忘故國愁
寄語劉樊休笑客錦山茗水倍悠悠

臨安縣齋雨中作

周遭嵐翠拂城隈石徑秋深長碧苔千嶂橫排雲氣合
萬松爭送雨聲來近聞葉縣弦歌接舊憶金堂戶牖開
曾是錦衣歌舞地野花陌上重低徊

寄懷族叔景南

竹林我愧阿咸清官舍相依醉步兵
紙牖松棚憐遠客酒闌燈炮坐深更
窮愁倍激長途志風雨還添故國情
生計欲從宗炳問鄉關翹首憶同聲

謂交木靖區兩從叔

憶弟

鄉路千山外秋生積雨餘
衣裳能自理寒煖定何如
祖德傳槐里家聲在素書
明年思負笈相伴事經畬

懷沈五補山

姑射仙人冰雪姿天然丰韻淨臙脂
披霞若解憐湘浦夢雨何須歷九疑
菱蕩魚莊成獨往碧梧紅豆費相思

畫眉深淺今何似珍重天寒倚竹時

和何粲亭明府生日感成四首元韻

軟紅塵浣是今年點檢遊蹤一惘然身到碧城闌十二
夢迴蓬島路三千彩箋舊憶江頭雪藍筆難描雨後天
一局敲碁堪永日箇中勝著定誰先

征途滋味飽經諳津柳官槐是處探人換葛衣猶冀北
山舍秋氣入江南登樓敢詡雲閒陸載酒新開菊徑三
欲向琴樽依茂宰霜毫應許伴吟簪

茅屋西風憶著書南村素景稱幽居斜陽樹裏聞吹笛
紅葉灘頭喚賣魚淺水暗移青筍舫暮雲深護紫微車

蘿莊擬乞康州畫平遠秋山展卷餘

園橋聽講昔年論大令衡經見道尊翠幃雨隨鳩喚婦
畫簾香散鶴生孫家傳中祕圖書幌人護新陰桃李根
奉几幸聯蘭譜舊紫鉛端合詣潘園

題張

羅山

晴窗審帖圖

槐陰兔目紛毳毳叢生花草不可芟何人瀟灑坐此室
琳琅萬軸開松函摩挲新舊金石蹟消釋溽暑超塵凡
古來法書亦無數周秦以後多鐫刻年深豈免漸殘缺
碑碣零落畱空巖雨淋日炙就埋沒欹歛顛倒何磬礪
誰爲剜苔剔蒼蘚紙本響掇金薤絨在昔袁昂善評鑒

定厥甲乙分玉璫或傳江左李嗣真窮源究末輔頰咸
後來論斷亦代有出奴入主徒咄咄張君嗜古入骨髓
意與世俗殊酸鹹上窮山岳下石室牙籤錦繡寧傷饒
甄別肥瘦闢奧窔區分眞贗森精嚴新題嚙首跋紙尾
雙眸炯炯神明監爲倩妙手作圖畫高情卓識凌嶽岳
玩罷使我三歎息物聚所好由至憾安得從君數圖錄
雲窗披覽中心欣日斜諦視不知倦庶免蠹蝕痕纖纖
歸舟呈張丈蓋翁

歸舟出雪溪迴望岡巒色葭岸起秋聲溪流靜如拭濛
濛細雨來漠漠寒煙織俄看新月生已覺棲禽息流連

文酒宴傾心去彫飾諸公愛清遊飲酒稱溫克何期踏
雪鴻追陪共攀陟座有白髮翁高文足矜式脩綆旣深
沈雕蟲蒙記憶願垂白玉篇用佩黃金勒

雪溪曉泛

杪秋尋遠山駕茲川路永四水合澄流疎柳霑秋影積
素冒前津朝霞覆高嶺雲開見道場登高時引領

登礪山

山石龍嵒行徑微崇朝一角凌煙霏鳳皇垂翅不飛去
金支翠羽明珠璣我來登眺日重九紫萸囊佩翻朝暉
俯視郭外樹如薺青楓霜薄紅葉稀水田兆坼秋穫近

平疇都學僧袈衣峴山何山互出沒如髮兩髻相因依
十萬人家繞溪澗浸盈碧玉滄波圍吳興清遠山水窟
眼明秋日遙瞻睇忽憶去年上奎閣當筵落筆華箋飛
功臣山古帶雲白將軍樹在傳衣緋雄圖霸略不世出
黃雞罷唱生嗟歎石光敲火纔一瞬又看橘綠紅蟠肥
萼山載酒且快意陳跡只共雲煙揮此山絕頂見震澤
琉璃晃漾連雲圻傳聞一舸下春水五湖人去畱漁磯
伊誰胸涵三萬六千頃大文傾瀉無停機登高作賦挾
麗藻直與滄江浴日爭光輝

題施定菴

紹閩

先生溪山垂釣圖

先生大隱隱城市山水清心寄綠綺柯山夢醒橘枰開
手談小試神仙技竭來相遇臨湖城官舍晨朝隨杖几
雲凝琴曲生羅紋燈落碁聲散花蘂瀟然示我一幅圖
垂綸兀坐溪山裏鹿皮冠脫輕襦披頰上添毫見神理
始知靜者心多妙寓物隨形得奧旨山徑應逢王質碁
溪邊定釣琴高鯉笑取筌蹄罝上開如聞流水絃中起
會心只在竿綸閒琴奕何曾分彼此我亦煙波澹宕人
青鞵布襪舒天真南風不競戰常北手中荊棘生嶙峋
見君此圖三歎息那能高步超常倫琴操奕品姑有待
相隨願釣桐江濱

乍浦謁蔣振菴先生將歸阻雪施定菴先生爲彈
平沙一闕賦此畱別并謝振菴先生

挂帆落溲浦問字趨軒檻官齋政靜少塵事退衙鳥雀
來歡聲臘月寒聲動三陌雪花亂點疎梅白海天一帶
隔姚州柔櫓輕舸行不得韓公款接楊之罍繞鞭笑拗
珊瑚鉤爲邀上客理徽軫七絃指上凝清秋一彈再撥
靈雲會歷落簷簞縈總帶圍爐四座寂無言山谷空虛
傳至籟楚天迢遞飛煙鴻平沙漠漠瀟湘中翱翔欲下
不卽下銜蘆結陣淩橫空指轉絃迴繞一撇歛見層雲
落霜翮淒淒切切有無閒洲葦蕭疎花帶雪須臾噉噉

相和鳴空中無影如無形聯翩踏雪不留爪九疑杳渺
衡山青此時積霰凝高樹杲日無光澹流素高曠能教
海水寒冲和豫見陽春布四明歸客心幡然石尤風阻
嚴冰天尋聲恐是思歸引顧曲疑流三峽泉天池願駕
琴高鯉不耐琵琶佞人耳潯陽江遠月茫茫空借使君
耽北里先生莫謂知音難嵇心羊體畱人間七十一宮
訪龍趙河南房相憐庭蘭明發白沙洲上路舊是鴟夷
繫舟處吳歛越調滯人多猶想餘音清繞柱君不見琴
渡風流霽暮楊聚星白戰分詩槍對雪聞琴感知遇髯
蘇千載念歐陽

贈朱丈錦揚應

朱公磊落嶽崎客越水吳山十年別千里驅車三晉遊
一朝南下通河驛九曲河隄柳慢青關津月黑雨冥冥
酒闌燈炮數遊錄雄談夜撼蛟龍驚當年一騎滹沱道
井陘古塞生煙草滿路槐花帶雨黃平原櫓樹含霜早
看山直上太原城極北雪峰照眼明狐突山前春試馬
臺駘祠畔夜吹笙太行萬疊當人面玲瓏削出開天限
急磴危梯駿馬嘶不見孫陽淚如霰雲中八水浩瀾漫
曾隨漢使窮河源映帶晉祠紫碧玉飛流千折下桑乾
雁門一綫通天咫斷蓬驚礫迷沙沚窮秋雪沒錦鞍韉

凍折剛膠寒墮指有時策蹇上高岡有時臨渡問舟航
最是西風汾水雁動人歸思憶江鄉代州西下趨寧武
鐵戟沈沙雷破鼓將軍戰處陣雲低碧血千秋浣黃土
古廟題詩苔蘚侵慷慨如聞變徵音白日斷虹生怒氣
悲風苦雨動哀吟大谷蕭條慘徒御愁來吊古知何處
晉藩代邸俱銷沈隋殿唐宮盡禾黍御槐衢柳入衰秋
虎圈鷹坊成廢邱此日王孫感青草昔時帝子擁朱樓
採藥何須入王屋深林步屨懷芳躅長吉嘔心拾錦囊
子美披襟滿青竹翠管橫吹竇瑟張一彈中夜奏清商
填詞繡幙張三影問字朱闌謝四娘流黃莫謂逢迎杳

振衣若箇稱同調考古曾銘后土詞宣文室憶西河教
羅含疏物陸機刪殊方草木總能嫺雌兔迷離雄撲朔
土花斑駁鳥絳蠻今年遊倦平原里仍書驢券來燕市
回頭笑看晉陽山天空樹斷浮雲駛山水奇懷入見聞
可堪失意似劉蕡纔鞭醉別他鄉月挂席遙看故國雲
下淀停橈當此夕偶披蒲扇論遊蹟推蓬欲遣雨師收
把盞定呼明月出我亦逍遙慕遠征模山範水具深情
三山思逐宗司戶五岳將隨向子平聞道山川長不改
雄文勝迹遙相待還期擬戶三年餘再試遊車萬里外
漕河便挂一帆風小舟直渡越江東願陪綠玉蒼筤杖

來往丹山赤水中

送別

斜陽古道接通津殘柳殘楊不當春送別重經攜手處
感懷原在賞花辰祇憐芳草迷前渡合寫青山贈遠人
還與梨雲畱後約明年相望曲江濱

姚江櫂歌一百首

存七十三首

一灣沔水漾晴空蒲幅能禁面面風欲向寒煙尋鳥道

滄波浮出玉玲瓏

水經沔水注江水遠餘姚縣城南山海經郭注浮玉山在句餘東謝靈運

曰在餘姚鳥道山北

菊磧疎寮俯綠波巢痕猶指舊煙蘿杜鵑花發清明近

齊唱江湖第一歌

宋詩人高翥字菊磻所居爲信天巢其寒食詞載江湖集至今士女皆能

之歌

魚羹菰飯擅風流紅蓼灘頭自放舟風雨不須披鶴氅

笠簷簑袂一身秋

明景德輝赴召旋里宋景濂送以詩曰風雨魚羹飯煙霞鶴氅衣

蕙蘭花發鯉魚肥漠漠澄江桺絮飛莫問五湖煙水闊

緒山西去有漁磯

水經注江水逕緒山前

輕帆東鶩曉煙開卻繞咸池去復迴特恐奔湍畱不住

五丁飛送蜀山來

陸游入蜀記蜀中有一山缺其半與餘姚江濱山相似桺待制集姚江東

去蜀

山青

黃令橋頭好放船鳴禽聲裏憶歌弦儂有魚罾保鄉里

不傳嘉話到西川

水經注江水又遶黃橋黃昌事見後漢書

月直江橋自在行柔橈依約浪痕輕衝風冷笑姑蘇客

三峽瞿唐枉自驚

王穉登游越記逆水衝風由江橋而東上雖三峽之險不過是

依然橋勢斷虹浮千尺江波一葉舟半壁卽今誰剝蝕

攢垣空掩薜蘿秋

蔣閱士集餘姚縣城詩城形雙壁合橋勢斷虹浮

鯖魚新試解醒湯曾說調羹獻尚方自有白於泉水酒

食經底用問虞郎

虞崇獻鯖魚醒酒方見南史

遙看雁嶺翠成堆明月流中鼓棹回只道征鴻從北至

那知飛自日南來

虞國雙雁事見後漢書注

石橋南畔酒帘斜滿注糟牀泛綺霞便脫翠簑歌白月

醉看江水落江花

李孝謙中林集水竹江花何處灘漁郎翠袞露未乾青帘酒家石橋右

舟卻憶姚江干

布帆含雨下前灘五月蘭江閣暮寒石虎荒涼棲鳥寂

野燐萬點若爲看

農丈人夜泊姚江詩遙光忽與滅歸翻亞相旅輕帆信雨飛坐久失煩暑

山椒雜堊燐夜深照石虎

郎心往復似迴潮日日如期返畫橈莫向斷山隄下泊

斷腸人去雨瀟瀟

張琦姚江送別詩舟向斷山隄下泊斷腸人去水空波

鮮纜何須撥柳椿西津潮落放輕艘聽風聽水帆無恙

不見風威捲碧幢

章載道西津夜泊詩雨氣紅奔電風威怒捲幢一帆臨越水百里辨姚江

歸棹聲聲聽軋鴉柳陰深處是兒家數錢笑向花船問

買得雙頭茉莉花

鄭真姚江晚渡詩晚涼兒女臨江坐翳髮都簪茉莉花

澄江過雨水溶溶。卻望南明第九峰。一縷輕煙凝不散。

青天削出秀芙蓉。

會子白素菴集子以使事航海出慶元洋掠餘姚縣境上者四西望縹緲

如輕雲插入天末舟師指以告余曰此大蘭山也

太平高館日門開。青籛銷沈付劫灰。唯有寒潮帶明月。

石橋仙路向天台。

孔靈素會稽記餘姚江源出太平山隨潮至浹江口入海東連四明西接

天台于吉居此有神書百餘卷號太平青籛

日落輕橈散浴鳧。三菁江上水縈紆。推篷迴眺蒹葭路。

一髮青山接上虞。

謝康樂山居賦注三菁太平之北權德輿詩越郡佳山水菁江接上虞

渺渺平江織鳥飛。柔桑葉白柘陰肥。春寒蠶種三眠後。

夾岸人家掩竹扉

李光詩十里人家雞犬靜竹扉斜掩護鷗眠

湖光江色映迷離似向朝妝鬪靚姿遠樹出雲花覆水

軟風潤雨見游絲

錢宰泛舟新湖塘詩雜花當晝翻遠樹出雲杪沙明宿雨霽風急游絲斷

泱泱鳴泉謾謾風中天白月照烏篷不知何處秋聲起

一路松濤碧澗中

張宣青陽集姚江道中詩松風濤卷出萬壑耳邊無處無秋聲綠蘿碧澗

月欲上澹煙遠岫天低橫

山水中開文獻邦明流竹箭世無雙迴波記得秋香詠

更向煙蘿問墨窗

符訥題趙撫謙墨窗詩君居於越文獻邦家藏金石書滿窗簾有秋香百

詠

晴看稚子浴春江倒映澄波雉堞雙不信錢江通九曲

海風千里度嚴瀧陽明先生以言事忤劉瑾爲二枚尉掖投錢塘江耳中但聞風雨振沓彼濤澎湃若有神人相之而行比覺則已遠武夷矣詳見春渚紀聞及弁州史料

桐江畱得月鉤痕百折驚濤赴海門莫望使星霄漢上

人間亦自有崑崙元宋裴送汪編修出知餘姚州詩使者瑚璉器置之崑崙邱

山中女兒歌采春偶因春社禮明神花裙蠻髻休相笑

恐有當年搏虎人姚孝女擊虎事見明史

曉色輕煙黃子久長江疊嶂趙王孫圖中清景何人會

紅樹人家薜荔村黃公望有姚江曉色圖趙子昂有長江疊嶂圖

岸靜潮平躡白沙春江暖長魚蝦倚檣聽遍城頭鼓

海月團團五色華梅聖俞送韓持正知餘姚詩魚蝦莫厭腥網罟從人採天桴姚江清縣鼓

潮翻海

河流通海莫辭遙人跡霜痕白版橋聞說前村多橘柚

青旗開處酒人招

梅聖俞送馬延評知餘姚詩曉日魚蝦市新橋橋柚橋河流通海道山井

應江

潮

曾讀昌黎石鼓歌千年殘碣未銷磨鄉邦畱得烏山卷

十丈霞光起篆蝌

趙古則有石鼓文音注吳但鄭真王直爲之跋詳見鐵網珊瑚及王文端

公集

全家生計漁舸上識字纔教記姓名讀得黎貞三字訓

便稱漁浦小書生

三字經爲南海黎貞所作趙考古自瓊山攜歸以授村塾別見廣東新語

采茶歌響出層巒穀雨初晴瀑布寒一自丹邱傳種後

翠濤眞勝小龍團

虞洪過丹邱子倍得佳茗事見神異記

高士遺墟剩講臺潛虬千尺拂雲隈長江清似桐廬水

只少參軍睇髮來

唐愚士嚴子陵墓詩中有高空雲日夕相盤旋化爲千尺虬下飲清冷淵

不見詩人岑靜能空山瘦石尚峻嶒迴舟栲栳峰頭路

明月三分雁一繩

元詩人岑安卿居栲栳山下見宋景濂集

滄江剩水一灣通十里殘山夕照中記自九靈揮涕後

汀洲楊柳霧濛濛

元戴良避地秦湖見九靈山房集

莫問盤陀水淺深與郎相約蘭江潯耶如蝦蟆躍蘋藻

妾似魚娘依柳陰

宋洪炎詩一棹蘭江去盤陀水淺深

年年期養碧霞君羅壁峰前散彩雲更約明朝看金谷

雜花如染草如薰

孔叢會稽記羅壁山有虞國墅洛陽人至以為勝於金谷上祀碧霞元君

倭豆花開三月三一犁春雨蔥江南虞家殘堞孫郎浦

祇見波光映石龕

江以南有虞家古城孫郎浦見宋元逸集

平江急雨亂跳珠白鷺飛飛同綠蕪無復玫瑰花照眼

平曠都種澹巴姑

桂彥良姚江曉發詩春風石楠樹曉日玫瑰花

丹鳳會傳上九霄河洲新樂應雲韶芻尼爭向蘭江集

好待天孫度鵲橋

明萬歷王皇后事見勝朝彤史拾遺記冊立時有喜鵲數萬集於江橋

許村南去接芳洲一幅春江碧似油指點支公調鶴處

巖扉深鎖白雲畱

許村以元度得名白雲封岫春樹蒙密元度與支公避處也見宋樓扶記

官倉仍對水盈盈秋穫新添十斛稭昨見催租白衣吏

呼兒荷擔到常平

水經注江水又經官倉

四明采藥白雲深別後空勞遠夢尋荷葉本來無藕蒂

憐夫那得有蓮心

越中山水可遊記四明姚菴有孫子秀別業其蓮池久圩時抽荷葉數莖

而未嘗有藕

無復喬松百尺柯後青漁舍更誰過生涯不用矜詞賦

一曲滄浪自放歌

後青漁舍楊元度隱居也見黃晉卿柳道傳集中宋无逸贈楊詩云田園

歸處松三逕詩賦生涯水一杯

蘭墅青青葉未衰芳莖含露故低垂涉江何處尋芳澤

采得芙蓉欲寄誰

溥洽南洲集送坦達之姚江詩南騷薄江階蘭蕙幸未衰爲言采芳者何

以遺所思

樓頭雲影拂青霄，曾聽仙人度玉簫。江上至今波五色，

空明疑建赤城標。

瑞雲樓陽明先生降祥處也。見少室山房集。

橫江霜氣正淒淒，蘆葦叢中舉釣簪。潏浦潮平寒月落，

漁燈遙映讀書燈。

黃晉卿送楊瑛詩。空齋耿燈火，月冷潮聲落。

上方臺殿臨崢嶸，中流畫舫蒼煙橫。流鶯啼破日卓午，

花氣撲人春晝晴。

張祐龍泉觀詩：四明山一面臺殿倚嵯峨，中路見江遠。上方行石多山峭。

花氣漫日暖鳥聲和。徒漱葛仙井，此生真若何。

芳草遠遮仙尉宅，白雲猶護老僧居。神蛇隱現丹山穴，

莫問當年石庫書。

高僧傳：大禪山在餘姚縣南七十里，梅福隱處也。中多龍穴。神蛇有石庫。

貯神仙經籍。貞元中，法常自天台居此，夢神人告曰：此靈府非凡人所居。法常曰：吾寓迹也，何害？遂爲林院。

吉貝花開秋氣高，綠藤青束莫辭勞。秋霖不見逢庚變，

恐致沙田汨海潮。

沿海種吉貝花見樓鑰記逢庚必變見田家占驗公田沒海潮新舊滿餘

姚耿漳送謝

夷甫詩也

洞門深掩冷松杉，陰澗春榮草不芟。一自稚圭登眺後，

誰尋夏雪到寒巖。

孔稚圭太平山詩石臉天貌分林交日容缺陰澗落春榮寒巖畱夏雪

葉葉枝枝耐晚寒，城西修竹影檀欒。拙翁去後風流歇，

誰貌風中十五竿。

李東陽詩句餘拙翁善墨竹指史都憲天瑞而言也

雁湖一帶葦花叢，錢鏹千家煙水中。載稻舟歸新月上，

野人門巷落丹楓。

燭湖千點梅花樹，蒼幹曾傳化臥龍。此日空巖自開落，

月明綈袂獨相逢

俞亨宗詩疎疎瘦藥含清馥矯矯糾收綴碧苔疑見虬龍離雪殿蒼龍遙

駕玉妃來見寶

慶會稽續志

買魚歸去莫教遲
革履舟輕纜自維
風字山頭雲擘絮

夜深應有雨如絲

風山以像風字得名見唐書地理志袁宏道詩舟方革履小風山戴帽則

雨桃諺

語也

蕙江春煖競煙霏
社日曾看燕子飛
不用雲軒尋舊約

夢中有路駕烏衣

永興碑碣劫灰餘
文字空傳在石渠
誰道題名山寺後

草萊猶見柳公書

漁澄洞口涇雲濡
瑤草琪花與世殊
不用淩風飛蚱蜢

便從雲海渡菱湖

雲笈七籤第六十三福地菱湖漁澄洞在古姚州元王孚避地於此見四

明山志

架竹分泉草舍低村春相應夕陽西扁舟遠向橫溪過

桑柘陰中報晚雞

貓頭筍嫩初包籜雀舌茶香乍吐芽正是飭簫好時節

載將春色到江涯

雲木參覃是水西芳名猶擅賀公溪不知狂客吟詩後

采藥何人復杖藜

祕圖煙景勝蘭亭褰屐風流此舊經認取參軍雪詠處

紫薇花煖柳條青

列朝詩集劉仁本治師餘姚台吳越名士於祕圖左麓分韻賦詩效蘭亭

故事

南浦萋萋芳草新開扶社老到江濱癸辛舊事君知否

須問龐眉百歲人

陳治安社老詩注姚江多百歲老人

馬薺初長碧蘚滋桃花冥冥半開時春陰江上天如墨

聽遍鷓鴣之與鴝之

黃勉之姚江曉行詩桃花盡冥冥一雙鷓鴣語微雨江上來舟行失前處

清歌一棹出龍泉睥睨盈盈帶曉煙更向雲柯問瀛海

潛虬迴尾媚蜿蜒

烏斯道詩海上蜿蜒蟠玉龍雲柯迤邐衝蘭風

解道青山似剡中風流德應想遺蹤不知圖畫峰前水

可有橫飛兩白龍

陳德應歸剡湖見宋史

漫從霄漢問星槎烏膽山頭北斗斜露下披簑還起坐

半江涼月浸蘆花

不駕潮頭不挂風扁舟容易到江東蒼松翠竹靈源路

人在青煙素靄中

宋方九思慶善寺記過許邨之靈源行青煙中十里所江以東有招提在

青松綠竹間

西峰急瀑灑松林匹練縈迴挂玉岑晚飯拖樓無箇事

臥聽雙澗送清音

栲栳西峰有瀑布數十丈謝景初詩澗急雪片飛望若匹練廣曲嶺隔清

林三里已聞響

江上神燈夜有聲蔥蘢影裏見空明蕭光未逐東風散

錯認人間不夜城

皇甫湜集遙瞻嶽帝祠前火散作人間不夜城指神燈而言也

誰家畫舫轉沙汀翠袖盈盈倚竹櫺彷彿彈琴王敬伯

下言句
綠紗燈影見娉婷

王敬伯善琴嘗見一女子從燈前冉冉而出與之宛轉相應既授以琴調

二闋復冉冉而隱見異苑

白雲堆裏試魚父閒逐江流捲白沙爭似四公亭上望

園暮殘局捲松花

白雲堆裏四公亭亭下只餘空石枰馮蘭爲嘉興屠某題便面作也見禾

錄

青梅子結柳花香嫁女依然在水鄉畱得絹囊嘉話在

江魚休喚作江郎

白水仙人工射覆江南殘葉動詩情而今怕種芭蕉樹

忍聽臨江夜雨聲

南江詩鈔卷二

餘姚 邵晉涵 二雲

出關述懷

夙齡寄遐尚懷策思遠遊如何籠中鳥依依戀故邱抱
琴出門去蕩漾千里舟及關見大漠野曠風脩脩回望
武林山雉堞空翠流湖山信云美行艦不少畱噫噫穿
雲雁飛鳴求其儔隨陽各奮翼豈爲稻粱謀

登高望白雲雲影江之渚相望隔重關引領時延佇激
浦海潮生南山當牖戶坐對芳梅花幾度春觴舉遊子
有遠懷握椒對徒旅徒旅亦何爲貽我西陵紵簡素發

光華保身善所處努力事長途願言慎寒暑

濛濛桑柘陰漠漠關河道招招舟子心軋軋理行權漸
見煙霧開時有晨曦耀溯沿豈云勞餐霞時引導鷁首
送遠睥天末見海嶠作書寄兄弟行邁慚灑掃庭前紫
荊花昨夜春風到雨露發華滋朱英長窈窕

平望

春水蕩春橈乘流入畫橋東風萋綠柳明月憶吹簫翠
色當筵近清歌別浦遙青帘互搖曳時見酒人招

姑蘇夜泊

秀色靈巖接九龍橫塘嵐翠晚來濃如何張繼楓橋泊

只聽寒山夜半鐘

永豐坊裏千株柳移向蘇臺分外宜不信風流白刺史
曾無佳句敵西施

五人墓

松風謾謾山塘路指點前朝五人墓五人遺事水東流
英靈千載猶相聚當年吏部好家居蘭繞堦除水繞渠
一朝送客感時事風前嚼罵掀蒼鬚上公嗔緹騎至白
韓校尉如游龍鐵索琅鏑擊地茄花委鬼勢絕倫中
丞股栗走相避堂下一呼山欲摧義聲憤激喧風雷爭
先祖褻搏暴虎抱頭驚竄胡爲哉朝廷正命有刑賞那

聞東廩提人來吾儕好義非好亂忍使衣冠委塗炭連
駢東市蹈白刃怒虹貫日衝霄漢寒雨池塘一鷺飛冰
山洛澤相因依范金埴土頌功德汝曹名姓如螽蟻男
兒要在能死國草莽捐軀理亦得白打能收赤棒威錦
衣從此無顏色保殘軀結生首道旁堂斧深且厚生祠
榱棟析爲薪俠骨剛腸名不朽烈烈蘇臺記五人大書
深刻畱貞珉君不聞蕉扇一揮稅監走先聲曾有葛將
軍萬歷中葛成以擊稅
璫被刑今附葬墓側

南蘭陵

荆南飛檄氣如雲老去躬緡貝葉文復有西洲好詞曲

當軒才盡鮑參軍

丹陽

橫江春水鴨頭綠
秣嶺晴霞魚尾長
十里津亭五里柳
扶將殘醉過丹陽

丹徒行

蘆荻蕭蕭北風起
大蛇中斷新洲裏
步如怒虎行如龍
來自田閒作天子
憶昔桓靈漢道衰
川蜀一隅畱宋杞
當塗典午迭相乘
宵分閭位如蛙紫
寄奴本是元王孫
中興可續高文祀
向使正名號遺烈
光青史柰何當時
臣推戴忘明旨
長星竟天散如雨
夜半空中出禪紙
司

馬家兒煇太急齊梁作俑從茲始嗚呼元灞橋頭萬騎
風長安歸去何匆匆十三兒子馱馬背秦山汨沒煙波
空縱然創業事非易後人卻起丹陽宮微時耒耜藏故
室象田杳邈蒼苔中葛燈麻拂示真率轉笑當年田舍
翁

曉渡揚子江

洪波協乾運地險資坤維濫觴自岷漢激蕩來天池一
輦縱可杭萬馬騰如馳洲渚漸蒙密晨光猶熹微延睇
施樓上擊楫中流時兩山鍾靈異奠位臨南離焦先鬱
蒼翠浮玉生華滋有時蛟螭合想像風雨飛懷新懼欲

駛戀舊帆應遲南徐送螺髻北固橫翠眉瓜洲小於髮
裊裊懸空絲江狔忽吹浪白點濺人衣雖抱中孚爻難
歌萼葉詩緬彼西塞山永懷漁父詞秋風蒹蘆起桃花
春鱖肥山水有夙緣鼓枻從所思

金山

空際一峰立長江千里迴晨鐘驚貝闕初日照金臺畫
鼓蘄王蹟題詩處士才登臨吾有約秋夜聽潮來

董子祠

誰知三獻天人策不及齋宮問鬼神東閣大開求俊乂
江都遠去有孤臣窺園此日餘松柏明醴何人薦藻蘋

千古長沙同歎息行吟相望楚江濱

同沈大咸若張二淳初泛舟紅橋

蒼蒼蜀岡翠鬱鬱脩竹林漾舟陶嘉月載酒招同心
徑轉何盤紆橋迴見陰森瘦石生雲煙飛泉鳴玉琴
不知山遠近安測水淺深萋萋青蔥閒元鶴時一吟

西湖比西子綽約矜容顏平山稍豐緝彷彿楊玉環
一枝紅梨花帶雨添嬌妍態濃意偏遠巧盼生流連
吳宮日以逸唐室景亦遷或恐霓裳曲至今畱人閒

誰謂平山阜坡陀含縹渺一髮江南山青青盡環抱
飲地吞洪波長天沒孤鳥遶徑早梅開花落不可掃
風磴

凝層陰林泉入清勝載詠勞者歌殘陽在木杪

三賢祠

山川而能語俗客面如土積霧迷前津桃源在何許猗
歟蜀岡水秀色擅六宇歐蘇旣鸞停瑯琊亦鳳舉三賢
豈不偉異代結徒侶至今靈旗開神來沛以雨笙鶴有
時聞柳鄉憺客與仰止復何人山雲出如縷

秦郵舟中

十里秦郵暮落潮紅闌干外雨瀟瀟玲瓏昨向邗江別
難遣深情是柳條

冥冥江遠片帆遲煙樹人家短竹籬漸覺江南風景遠

滿天鴉點謝公陵

寶應

斷靄暮蒼蒼孤舟背夕陽殘虹收急雨河勢挾湖光野
渡沙爲岸人家葦作牆虛傳陳寶現樂府奏新章

山陽

天際一痕白遙連滄海濤淮流穿地出隄柳壓城高豈
有龍溫徙時聞版築勞相鳥看不定作客任風颺

天妃閣

天上黃河落盤渦赴此門風高蛟兕嘯地險鬼神尊冰
雪春寒重江湖吾道存平生忠信志萬里溯長源

雪霽渡河

長淮白浪聲如雷神鯨出沒滄溟開吳頭楚尾纔一撇
雲光遙指歌風臺危檣夜泊黃河口一夜雪花大於手
蜻蜓銜尾樓煙沙蒼茫葭岸空相守東風詵蕩開天間
歎然寒谷迴春陽層冰峨峨忽破裂海門千里延清光
布帆安穩過枕席不與濁浪相低昂馮夷擊鼓水母舞
前有雙鶴來翱翔始知道途不必爭險易流行坎止隨
所致今晨利濟乘安瀾昨日陰霾亦天意下邳城下更
揚舲鳬鷺散亂沿沙汀蠡殼窗開一回首島嶼江南青
復青

南沙河遇鄉人南還

鄉關渺渺寄書稀邂逅逢君遠道歸
及到越江春已暮香芹芽短鯉魚肥

滕文公行井田處

上坎下則巽其象爲井田如何菽爾國銳志正陌阡肇
域一朝改遺跡垂千年緬昔疆理初封建相比連九州
錫土姓禹甸歌南山淩夷春秋末搜伐爭糾纏但知戎
車利豈恤溝洫湮晉陽事保障乃在孫鞅前魏秦一瀾
倒平地生洪川吁嗟兩漢後遺軌如雲煙區區補苴術
厝火得暫安推步不求故豈能定璣璿儒生稽往古詰

難噴有言或請限名分或祈抑市廛或行均田法或用
安流民或欲禁兼并或欲開營屯或有畫以界河北稱
魏元或有授世業易代稱隋文或曰陳王道制度在簡
編一區請躬耕郿縣開其先或曰定畎畝蹇人須上天
古法今不宜雄辨蘇老泉立說豈不偉采用存乎人畫
餅難充飢知幾其惟神周禮辨土宜授產有專官山林
及川澤敷土宜隨刊幽朔苦寒沍澤國多炎燁荆揚梗
稻花穠稌當風翻益雍晚收秔植立凝霜寒豈有保介
推述用一例觀曾聞海忠介創行一條鞭順莊自投匭
閭里稱安便何至二頃田卽枕縣門眠更須循良吏一

切煩苛蠲西北事屯種東南重湖墻水利急宜治開墾
急宜分四民各脩業伍伍還肫肫昔人井田意至今畱
人間我行古滕縣感念文公賢卓哉王者師取法永弗
謾作歌述顛末懷古心悠然

石門

昔賢懷吏隱此地擬投簪濩落風塵際能兼出處心我
來煙際宿暝色一何深永憶陶公傳高風不可尋

東阿懷古

眾水合一澗長岡鬱峨峨壯茲山水間荒隴生薜蘿緬
懷鄴中人報國志不磨生才備文武忠信明匪他清麗

著詞藻感激荷戈雄心赴吳會安居疇能那淒涼自
試表倉卒煮豆歌親賢弃不用將奈司馬何

我愛建安詩曾讀賢王傳清廟奏朱絃惠風泠然善七
子盛風流賓從南皮宴君才信十倍天半朱霞絢流傳
鮑謝體盡屬升堂選平生仰止心寫盡鵝谿絹經行古
封邑愧乏蘋藻薦沈吟邱壑中庶幾表枕眷

新城道中雜咏

澹沱明湖曉漲遲吟情閒付柳枝詞瑯琊舊有黃庭本
露滴薔薇寫就時

隴山高接蜀山青社老詩魂此再經何處關情最搖曳

風吹歇閣雨淋鈴

遙憐吳客賦江瑤夢到西湖第六橋底事軺車來嶺左
羅浮不遣美人招

紅橋曾記少年遊京邸蕭蕭感白頭一覺揚州春夢醒
風情重問宋黃州

獻縣懷古

縣最本秦制唐山多楚聲禮樂不師古羣說徒縱橫宗
正好墳典搜剔排榛芳俄然雙壁合燼火生光品士禮
十七篇遠脩高堂生樂記述大義啜哺存其精三代瑚
璉器不隨秋落英竹簡縱零落橫理猶庚庚儒者歌河

海淵源重傳經誰脩儒林傳續載賢王名

趙北口

元宴高北列恆山拔地互大麓彙諸流蕩潏中流競冉冉
冉柳含稊泱泱蒲生迸潮來蟹齏浮潦盡蝦簾剩紅闌
十二橋葭莢相掩映大艫來峨峨征帆受風迎魚艇亂
鷗鷺碎影玻璃鏡何圖軟紅塵到此生遐覓僕本水鄉
士雅具滄洲興驅車過趙北刮眼金篴淨上巳春風迴
駕言事觴詠

雄縣

萬山迴合薊州城蓬卷黃沙坐自驚日澹郊圻生雨氣

春還天地變秋聲
河流夜撼星辰落
橋勢西連島嶼平
莫向楊郎論險要
雄關終古拱神京

將至長鄉和張二淳初韻

昔昔幽燕地
單車此日過
羽聲餘忼慨
壯士已山河
不是吹竽客
誰爲擊筑歌
酒人應落拓
重憶舊羊何

戲題淳初遊稿後

奚囊料理付吟鞭
腸斷江南暮雨天
茅店板橋溫制誥
曉風殘月柳屯田
垂楊露冷霜歌版
彩燕身輕上舞筵
時把青檐照青鬢
似君端合號張顛

與戴大近堂

求仁

雷聲夜迸貓頭筍雨點朝衝鴨腳芹此味江鄉誰領略
憐君十載客燕雲

紅豆和鄭誠齋

虎文

贊善

客思偏深南國秋丹砂點就倩誰收半籬垂實西風淚
千里懷歸遠道愁金縷難穿珠作佩瑛盤空晃月如鉤
龜年零落維摩老一曲湘中感舊遊

籬落斜陽見一枝幾回采擷淚如絲疎簾蕭瑟詞人賦
半野飄零少婦思送遠不堪飛豆子賭歌何處覓紅兒
勻圓萬顆愁仍寫可似朱櫻受賜時

碧梧秋影翳棠梨比較情懷總未齊餘粒定教鸚鵡啄

離魂猶認杜鵑啼春潮比目何由見羅帶同心枉自描
一種思量消不得胭脂山近轉淒迷

月明滄海奏雲和爭奈丹心寸斷何辨色幾看連荳蔻
問名端合混蘋婆物猶如此相思甚妾亦笑爲薄命多
莫唱南山腸亂曲待看珊瑚並枝柯

咏燕郊古蹟

昭王臺

碣石東浮驛路開蕭蕭天馬至今來少年只憶昭王事
落日重登郭隗臺廢壘秋風生易水關門寒色上龍堆
雄圖想像燕雲外蔓草平沙問霸才

賈島峪

鑄金猶許奉清微
寂寞詩魂戀翠微
瘦馬只今迷路遠
如君休更怨知希
用長江失
意詩語
柳殘繡嶺鶯無主
春盡桑乾草不肥
踏遍西山雲水路
松門殘月一僧歸

田疇壘

亂山高下入無終
從事莊前獵火紅
絳節不隨盧水合
白雲猶似漢家封
杜鵑啼斷春蕪碧
海燕重歸曉幕空
異代更揮徵士淚
朔雲如馬溯高風

道后樓

樓臺一夜卷青綃
從此坤儀改姓蕭
戰甲無聲彫鐵馬

暮花餘恨咽銅槽
新妝人集烏孫壘
香水春浮帝女橋
望去燕支山色好
白登圖畫幾時銷

題汪龍莊

輝祖

看山圖因有感亡友嚴鐵橋

誠

今年十月鐵橋死
湖山慘澹彫顏色
鐵橋有友客吳興
東望西泠淚霑臆
重緇舊贈看山圖
觸卷疑有煙雲俱
山深澗小碧樹短
支頤獨坐眞山癯
當年投贈非無意
要寫林泉入高致
撫絃動縵四山驚
咫尺只愁風雨至
落日招魂楓樹青
閩山憔悴越山明
忍看輞水圖中色
如聽山陽笛裏聲
汪君汪君盛才藻
沈吟邱壑開懷抱
青鞵布襪逍遙遊
勸爾治裝須及早
君不見鐵橋意氣

故無匹可憐五嶽未登一把君此圖三歎嗟泉下故人
呼欲出

放鶴亭懷古

鶴亭指點山之陬振衣快上雲龍遊雲龍山人去不返
羽衣獨矯風颼颼登高千里在指顧襟懷吞吐黃河流
北瞻齊魯西豫洛蒼煙兩點空中浮白雲下垂潛龍舞
金鱗玉甲輝神州當年子瞻作遊宦逸興頗與山人儔
黃衣鼓琴樂復樂勝從赤壁操輕舟夢中道士舊相識
如從石室聯崖邱清歌放鶴復招鶴草堂韻事矜千秋
只今赤岸河流改約束岡巒傾碧海戲馬臺荒宿冷雲

聖父墳邊凋素彩
令威城郭歎人民
惟有孤亭至今在
鶴兮鶴兮重飛迴
有人獨立吟蒼苔
啄汝以金醴玉漿
之紅稻飼汝以含
辛受郁之玫瑰
天生神物應時出
須知何代無奇才
一鳴山谷春風回
再鳴紅日天門開
來儀要其鳳皇舞
雲端俯首臨崔嵬

黃茅岡

曾阜鬱春滋晴煙凝浦樹
眷此黃茅岡豁眼披雲霧
複道澹曦光長空引輕素
瘦石透玲瓏宿莽紛迴互
虛疑海沫浮靈訝雲根誤
石梁駕飛流花香拂芒屨
持藻青蔥閒遊魚清可數
絕頂見黃河蒼茫斜陽渡
萬頃怒濤

奔一葉輕帆驚難窮望遠睇轉憶來時路僕本山水客
雲霞生眷顧頃從淮海過黃塵結寒沍平遠江南山慚
無濟勝具幸從長者遊得叶滄洲趣彷彿武林山想像
天台賦有如素心人分手十年故相逢蔓草閒異地成
良晤瞻顧含清暉纏綿結餘慕亂石如眠羊蘇公傳逸
句初平解笑人何不故山住

戲馬臺

雄關都會失西京霸主翻思畫錦行戲馬至今畱下相
沐猴眞悔返彭城臺荒白壘無春色地挾黃河作怒聲
西望漢陵荒石獸早聞腸斷沈初明

下言集 卷二
笳吹雲旗迹未灰，宋公九日此登臺。秦中已失河山險，江左還陳主客杯。只向絲桐歌后聖，曾無鴻雁感民哀。祇憐孔令無顏色，二謝當年枉費才。

童二樹

鍾

畫梅歌次思餘

大業

族祖韻

筆如梅幹梅如龍，之而蟠曲紛瓏瓏。是誰下筆奪梅魄，倒挽雪海之水飄長風。得非綠萼仙人事遊戲，銀花燦出玻璃銅山陰。童二最瀟灑，性如野鶴棲寒松。愛花便欲盡花體，手無定相神遊空。興酣揮灑滿四壁，粉心透入冰霜叢。化身定屬梅花質，縞衣人佇生綃櫳。口噴疎蘂指作瓣，石牀夢到珠仙宮。徐州牧伯我從祖，靈此妙

技通昭融詩腸香沁結琮玉江東體格超凡庸嘔肝脫
腕兩奇絕轉令觀者心忡忡我攜鐵笛過淮海扁舟悔
別明山東巡簷索笑恐無侶寒枝獨掩溪雲濃
吾鄉四
明燭溪
梅花最盛童君鄉里未邂逅鶴書虹篆無由通高齋突兀忽
見此恍惚眾香國裏身相從詩成璫樂畫成障遊仙何
必羅浮峰平生探覽尚遐異臥遊亦復開襟胸矧依宗
炳在梓澤環堦春草迴青茸爲許末座相唱酬長城笑
用偏師攻題詩在紙梅在壁一簾香屑煙濛濛

題思餘族祖謙受圖次秋圃之旭族祖元韻

從祖永思奉庭誥謙德遠近無異詞繪圖不忘謙受益

遠谷深壑縈迴之貧簞虛淨儼成列持盈敲器畱其辭
達人寓物不滯物隱囊目送浮雲遲會心正復不在遠
靜氣沁入人肝脾朱轡廿載守清訓仍如詩禮傳經時
四銘題卷日三省雅意未許黃公知紹聞衣德永弗替
貽謀奕葉仍如茲晉也少承王父訓束脩砥行嚴操持
從公請益得謙吉垂象貴在心相師卽今挾策走燕趙
期繩前武追丕基公言鄭重命之矣一生法守長在斯

又題椿苑擁荆圖

弇州山人紀盛事吾家獨數中丞公歸然一老種碩德
環階蜿蜒蟠八龍今看椿苑擁荆樹後者前視將毋同

謙受堂中瞻從祖八千歲樹摩蒼穹荆花承蔭向春茂
十有一萼環龍嵒公曰仰惟我先世祖有懋德宗有功
范陽家聲在孝友保世滋大芝蘭叢矧我不貽陸生橐
一經相授開顓蒙勗哉勵志保芳澤寶厥令名持厥躬
諸叔聞言悉喻志一庭春氣生融融願謂從孫試題句
須知南北同家風披圖如預竹林宴祇慚末座非仲容
敬從圖牒述祖德甘棠之蔭傳無窮

觀歌童燈舞次楚騷

自昌

族叔韻

遣聲投袂應鑣鼓當場忽作胡旋舞提籃宛轉歌采茶
袷服華妝分菊部十五王郎矜白皙清喉乍轉櫻脣吐

曼聲齊唱踏春陽嫋嫋餘音繫如縷近來新尚妹相思
半嚮然脂賦疑雨古音雅奏畱彭門鄉哇不作新翻譜
筠籠次第分旗槍彷彿春江明綠樹吾鄉瀑布茗最佳
往往仙童雜田父神異志餘姚虞洪入山采茗遇丹邱子于瀑布嶺只今望遠
隔山川異地聞歌掌頻撫人間何處無丹邱燈下彩鸞
應接武銀花照席歌繞梁天外白雲時仰俯

觀獅戲

生不識聚窟洲夢不到條支國瞥然燈下鬪雙獅突兀
蹙貓來絕域綵毬前導低復昂拋空掠地誇奇特鈴聲
乍動綠衣舞鋸牙鉤爪矜神力藏鋒蓄銳故低遲一前

一卻朱欄側歛看借勢舐朱脣電掃雷驚在頃刻雄姿
不受貍奴欺猛氣真堪稚虎食銜毬在口喜欲狂一躍
重關超崩劣是時萬樹火珠明四圍觀者皆屏息如聞
雄吼振天閭密雲湧出金輪色由來神獸出遐陬王會
圖中舊相識龍庭萬里貢來馴得近屬車瞻畫戟

聖朝文軌遍八荒不矜異物來烏弋歸昌鳴月應文明
騶虞踏野宜禾稷只從燈火舞狻猊勁毫柔毳無差忒
技戲寧論幻與真寓觀奇玩開胸臆吾聞宗慤入象浦
曾仿圖形事彫飾壘前一出壯軍容犀象奔馳蛟兕匿
天池破浪復何人春來好展搏風翼

觀魚躍龍門燈戲

延津雙闕開雲房朱鱗火鬣來堂堂真龍變化在俄頃
振尾躍出冰沙場春燈鳴鳶陳百戲衆魚銜尾爭低昂
冲霄有志各努力排風不在誇身強空層之門儼在望
意氣踴躍神飛揚鼉魚先登導厥路問誰毛質超庸常
須臾天鼓鳴彭彭雲垂海立風濤狂穉龍一躍獨居首
吞吐銀漢波茫茫暴腮點額盡相貫養志仍向深淵藏
平時鬣鬣了不異風雲始見神開張鬚頭涓滴作霖雨
春迴巖谷開冰僵步兵見此興飛動擲筆珠斗分輝光
排闥箇闔息自寓沮爲咸也賦急裝東亭醉別應繼作

唾成珠玉非所當龍引九子破空去追隨共踏雲浪浪

貞女詩三首

亭亭女貞木歲寒挺柯枝上有孤棲鵲戢羽正參差于
飛未及聯素志長不移引吭對明月響應寡女絲俯視
衆鳥還大小必雙飛征鴻各有序鳩侶相因依孤鵲獨
徘徊清響一何悲歲寒有堅操不受芳華時貞木有本
性不染桃李姿

東籬有素臣高風日已遠何圖苦節人乃傳自芳柵早
結朱絲纓未上墨車幘誰謂登龍客已主芙蓉館布總
綰素髻纓縻袖中滿自此矢靡他几筵罷燕衍蓼葉苦

還甘桂枝香且散迢迢歲月更不改堅貞恟大義播燕
越廣歌遍形管矧在猶子行情懷增繾綣援筆記音微
彌令傷大阮

吾家傳內訓憶自桐江張早歲抱寸謚勁節淩冰霜二
龍御長途左右皆騰驤煌煌天語溫大道標朱坊

節貽肇嘉名何殊紡授堂

先曾祖母爲桐江張司寇孫女早歲守志教先王父叔祖

成名繼奉

欽獎命有司建坊于

里虞山蔣文肅公大書節貽堂以贈此事七十載流著

枌榆鄉寧期千里外貞德遙相望遭境或有異至誠本
相將譬彼深谷蘭掩映饒幽香又如冬嶺松歷久節愈
彰他日勒家傳後先傳芬芳

觀較射簡族叔楚騷

錦袍蠻韉氣和頌盤礴芳場臨空洞公子彎弓發故遲
風吹圍樹華襟動持滿初疑烏作盤拔弩俄驚馬脫鞚
左移右指必當鵠一發雙連期命中紅的遙傳正已心
素綵還存撥月弄駢枝并葉氣不驕胸中八九吞雲夢
吾家大阮亦善此鳴絃笑指晴雲霧聊因移舍更三番
欲合同心憑一縱投殺主樂客亦歡角勝何須分伯仲
君不見芒碭山高開霧淞狐穿破劒狸藏薺草長難教
旗隼尋持蒿好向驚颿控要令獍兔其潛蹤穿雲獨附
丹山鳳腦後生風霹靂驚嘶煙暎月開清唳伏鱗難酬

壯士心繁裝獨許，文人用子桓。但解擊桃枝，後者視前。
應接蹤五加皮酒，傾千甌何如蜀郡玻璃凍。再賈餘勇，
事投壺蓮花驍樣追前誦。

觀奕

文枰一局開絲綢，丁丁子響聞推慙。柯山夢醒橘房啟，
偶憑楸枰爲遊遨。是時春氣迴神臯，蝦簾掩映分新釐。
對坐無言寄神遠，不煩斂手爲梳搔。起在東南應第九，
鄧艾開蜀鎗城壕。有時縱橫利野戰，臨淮怒拔韓中刀。
分疆投劫各展勢，戈矛利銳垣牆牢。布陣獨長整以暇，
建蜚遠豎嚴而高。意思安閒轉機捷，寧必猿鶴爭攻塵。

始知奕品最清逸遠勝彈陸聲嘈嘈韋昭著論傳懿毀
徒持異議紛相撓而我守拙保其白惟南不競風颺颺
臨疆但苦蟻穿穴對壘敢用偏師挑昔年定菴會語我
要由靜悟參絲毫捐棄新樣合古拍始能砮壘擎旌旄
陣圖八面空見贈孟勞不撫弓衣韜逢人羞澁僅納袖
博原意氣無由豪會當土室助一噪天下健者今豈惟
臨洮

題戴農南 永植 學博詩稿

海門秋樹望依微流水孤村帶夕暉好句雙鬟歌不盡
任人圖繡上弓衣

白雪調高傳郢曲蒼葭秋冷紀秦詩楚山渭水畱題遍
不覺吳霜點鬢絲

半生長計一詩囊老去偏耽鶴夢長指點劉樊仙蹟近
者番眞住水雲鄉

富春山下黃公望曾寫姚江曉色圖詩筆重看虹貫月
恐驚光怪起菰蘆

題秦雲西望圖爲沈六作

秦嶺有飛雲崇朝遍芳陌思君子兮青雲端專城千里
邦之伯望之欲何爲故鄉生遠懷風輪浪舶不可以猝
至但見浮雲晻靄朝夕從西來五松亭亭誰寫此支頤

頻望松陰裏白晳風流似有鬚故人知是東陽子東陽
子氣如白虹藻如綺遠客吳頭及楚尾去年榴花丹新
奉板輿返梓里堂上慈竹生春雲惟南鵲鵲含氤氲插
籬編枳蔣花木行樂奚啻潘公園引領望天末玉女峰
頭雲欲下朝見行雲湧爲車暮見浮雲變爲馬兩地懸
旌去住難江南春暖玉關寒西洲蘆荻綠枝葉北塞飛
鴻振羽翰殷勤爲命探微筆觸卷紅雲烘曉日飛軒何
必太行山慎旃千載心如一我亦年來賦遠遊桑乾水
上望并州躍馬燕南輕折柳采菱趙北自操舟獻策自
慙懷刺滅烹魚其奈倚闌愁潞河一棹東南鶩笑看衣

舞仍韋素三日新婦意何如
離離蓮室事章句南風吹
雲還聞君理輕策行將事
省觀雍梁試西陟北堂萱
草長鮮新芳枝掩映荆南
樁大河兩戒僅咫尺底用
清晨
隴首思紛紜感君此圖良
有以願君此心無所移喬
松
千尺綠雲日會見鱗甲蟠
之而甘州山遠連崦嵫甘
州
城下陽春遲江東日暮倘
相憶乘風早寄停雲詩

秋夜作

英英西山雪霏霏被高樹
明月無餘暉飛來落何處
江
草日蕭疎江花憺容與想
見羽衣人乘月披雲去卽
目
媚芳華孤懷感羈旅雲中
君不來風鈴夜深語

山河極千里秋風率以涼憑高送歸鳥一髮淩蒼蒼臨
川思廣濟帶水無舟杭杭舟不用楫層瀾逝安極白露
大江橫行人去不息

五岳挂胸前不掩青銅鏡起看天宇光星河長耿耿俠
客騁雕鞍幽人理瑤軫冉冉菰蘆中秋水相與永誰將
一縷絲持與千鈞競屋角曙烏啼砌下吟蛩靜

五月菱荷花七月菱荷葉花葉自相依雲水不相接故
人萬里餘迢迢鴻雁跡不感故人懷怨此清秋節

志士多坎軻何不京洛遊槐花冒涼風高柳蔭道周長
裾曳羅縠寶玦珊瑚鉤華茵交廣陌千騎居上頭不見

樓君卿笑談傾玉侯席門卷飛藿恐爲巖穴羞芳華及
時茂永夜揚清謳角散霜天曉秋風滿襟抱

落葉縱橫飛商風一夕起寒燈暖深幔銅匱滴明水脈
脈古人心寂寂中宵意山蹊桂樹幽吟望何時已

吳舟歌采菱聲急調偏緩行雲散迴塘顧茲川路遠遠
水日潏潏動影沖融間丈夫寄遐尚不見行路難路長
從所之行息從所安采采東籬花相與盟歲寒長庚入
懷袖照耀青雲端

燈花

綴玉釵頭問夙因自翻新樣拜鍼神挑成殘點星流火

看到餘芳夜向晨
乾鵲記曾窺牖語
歸鴻仍數隔年春
饒他樺燭無情思
垂淚如珠不替人

榮悴何須怨曉風
翦裁妙手本空空
照來仙火三分白
點出春酥別樣紅
夜合新妝畱魏館
海棠殘夢醒吳宮
零香墮粉知何限
只在銀釭一照中

亭亭如欲共人言
愁蕊難禁永夜繁
半盞扶蘇分紫豔
一枝浮動入黃昏
只憐丹幅迷蜂使
猶認飛蛾是蝶魂
莫向蘭膏窺瘦影
鏡中春豔本無痕

水面成文如是觀
自抽靈緒到更闌
花裁頃刻人誰賞
趁撥玲瓏玉未殘
捕影定從空際覓
飛煙疑在霧中看

摩娑倦眼光如豆只憶星橋火樹攢

秋日田園雜詩

歲月轉團箕白露塗清曉屋角叱牛聲獨渡南山道
穉犂卷秋雲見此令人飽鵝鳩禿其翎今年霜信早
畧畧廢鋤犁濛濛披蔓草皇天有歲功長養以自保

雨過放田隙溝水東西流秋陽曬飛湯旋轉牛灣頭
我無終歲勞而望盈車收蔬粟如循環已夏忽復秋
亞旅上高原我刈子則穫

夜聞柝聲有感

何處華筵引鳳笙一庭霜月皓將盈紅塵不逐車輪沒

銷盡天街夜柝聲

此夜霜風吹汝寒遠隨鈴鐸報平安此中未信無奇士
試向花陰冷處看

飛鳥顧兔逐車輪猶有輕駒躡後塵殘雪數聲冰月冷
而今都作閉門人

無那霜華撲硯池客裝禁被曉風吹橫披匹練飛風雨
只憶文場擊鉢時

聞雁

涼風吹積水明月墮蒼苔秋氣澹如許鄉雲望不開客
衣中夜薄砧杵萬家催獨坐添愁思空齋聞雁來

一鐙

一鐙依客帳，無敵自幢幢。當世與誰耦，閒身對影雙。搏雲超十岳，耿劒劃三江。此意君能省，姮娥在綺窗。

送陳石田之定海

君去問東溟，川塗我舊經。雲生鼇背白，天壓浪頭青。霜路澹將夕，離尊酒易醒。孤懷感羈旅，泛愛亦浮萍。

送徐星客南歸

且勿傷離別，淹留更若何。人情見肝膽，江月浩煙波。棹逐丹楓轉，愁兼斷雁過。君歸山水窟，爲我謝藤蘿。

九日

一聲白雁叫垂楊
醉飲茱萸不盡觴
送盡歸舟仍異地
折殘寒菊又重陽
愁中關塞雲無際
夢裏江湖露更涼
蕭瑟西風敲破帽
自提雄劍拭秋光

不寐

一軒如斗大何者是千秋
白月無畱影黃雲送遠遊
誰懷終古怨易得少年愁
萬里煙霄鶴凌虛望九州

晤楊

交泰

卽送之大同

燕市無人識寒風卷濁醪
長歌懷激烈我輩是荆高
聞有并州役長途歲暮勞
臨觴忽不御念子舊同袍

山斷拂雲堆青天一綫開
北風吹皂帽獨上李陵臺
古

路黃沙沒長空旅雁哀茫茫同草澤何代有奇才

放歌簡吳二衣園

登德

香莫種菖蒲花爲莫種葳蕤草風吹海水倒吞山樹頂
生花霜日果魚龍出窟作迴文玉髓冰肝爲誰好短衣
作客長安道露葉霜花滿襟抱鹿盧出匣夜飛星馬度
崇山天未曉

二十男兒歌倡側一刺懷中久磨滅玉笙吹徹紫鸞迴
醉客朱筵呼不得君不見少年意氣無等倫蒼黃大笑
空中雲擲筆光芒動南斗班生亦是傭書人

黃蒿鬱雲月無色赤驃嘶雲鷹出沒霹靂應手電珠飛

渴醺青麝飲其血雄風穿過宜城洪吹起長江作山立
儒生眼睫如蚊芒三日新婦車中藏勸之飲酒輒掩耳
曲几三尺談虞唐

青燈一粒小如豆夜氣沈沈山石厚燭龍銜照春風來
瓊花玉蕊須臾開一言稱意見肝膽駿骨不上昭王臺
指揮數事心了了只在青雲致身早

古人不作今人語黃石千秋雜沙土豪舉高樓大有人
賣漿不知何處住我有昆吾古鋼又提出空山捲秋雨
眼中不識臨淮侯階前那用丁都護一卷澄懷冰雪詞
雲霞出沒星辰布

北風吹折蒼松老振衣獨上蘇門嘯南風吹徹柳條青
掉臂獨向滄洲行笑踏洪波履平地玩弄神仙如稚子
自調清露滴珠璣麻姑錯認芝田米諸君自作蒼蠅聲
延陵仲子知我意

雜詩

春山澹無雲春水澄流素黃鵠一翻飛回首藤花暮征
馬去如龍落日輕帆驚而以倦飛禽適與歸心赴習習
谷中風濛濛津口樹迢迢白淵虹灩灩金莖露西北有
高峰榛樸莽迴互河廣川無梁莫辨來時路弱羽轉曾
颺屢使前期誤長跪讀素書明月成良晤秋霞建高標

看子石橋度遠遊不如歸新知不如故

題秋水歸帆圖爲熊渾之作

客愁不醒春模糊曉裝失卻姚江圖

黃公望有曉色姚江圖

歎從

素練見江水風帆摺葉凌菰蘆倚笳鼓柁者誰子曷不
爲我招卬須蘆中隱隱有人語是迺七洲九派之川塗
而不能與三菁五波通沮洳越州自有朱鳶臚蛉牀安
穩蚶尾駛問君不歸胡爲乎指無作有寧非誣豫章熊
君名父子挂帆舊拂廬山廬想當劃槳嘯星渚雲中五
老掀其鬚茲來覲省入京洛蒨絲牽夢心縈紆胷中突
兀一帆出直與雲車風馬同馳驅側聞家翁老著學詰

易欲泝何虞瞿三微成著盤聖度引以縵不陵以邪
傳餘事表金薤排籤遠勝餘成廚歸裝倘用壓艸船天
吳按節雙虬超長虹貫日穿懸珠荷皇光怪衛而盱何
當分我讀五車秋水時至百川濯搏雲掣破南沱魚超
騰溟漲拾海月瞳瞳曙色搏桑虛

書益都李靜叔文稿後

羅生觸熱造子齋手提一卷金鉚鎔赤日行天白電飛
高林長夏摧層蔭觸卷如聞寒瀑流屋角定有陰雲落
誰從古簡生清秋迺是隴西叔子作寥寥數紙蟬綫輕
歛然廣漠開堅城思從巨壑撫星宿洗濯百氏歸諸經

捶鉤應手語截鐵想見胸羅千甲兵
珊瑚鞭曳玉節墮
砉聞冰破珠瓶傾失聲起立呼不得
仰視白晝楓林青
羅生顰蹙爲余告云亭山圍裨海繞
叔子初生海岱閒
墮地四蹄疾于鳥生駒一怒掣青絲
終朝猛刷千山道
三萬軸籤三百旬搏播雙丸恣幽討
白華純潔咳蘭馨
瑤華采采娛衰老滿身飛雹擘冰車
一夜青山被素縞
毀身滅性不自知全歸詎待緋衣召
毫芒餘論畱人間
猶是嚴霜淩百草嗟予心迹徒崛奇
賣漿屠狗相追隨
惇修嗜古若叔子得非吾友兼吾師
異人當世不相見
乃從卷帙懷音微羅生努力表金石
排纂大書撰刻生

能爲而我掩卷色慘沮懸鉗十指空吁咨昨者長衡逢
伯子身長七尺鬚眉紫魁梧磊落千人英思君風貌應
相似伯子便便五經笥力卻熊羆氣吞兕長抱看雲憶
弟心淚如秋露飛鉛水真才不受九原憐直爲千秋痛
招孔聞道秋原土花碧颼颼飛上松千尺高歌三疊秋
風詞露草霜花莽蕭瑟

月

蟾影爲誰瘦徘徊曲檻前露寒微見白光定不成圓
客先聞雁高林已罷蟬能持千里意永夜照嬋娟

秋望

露拭漁洲白雲移雁路長關山不可望一氣轉蒼茫孤
館銷燈燼深秋冷劒銑男兒易憔悴誰辨是他鄉

得張二淳初書

別有三年淚初開一紙書高天風雨集知己死生餘浪
出徒爲爾長貧或晏如黃花無恙在九月定歸歟

暮秋

暮景不成霽高空捲積陰西風蘇病骨落葉損秋心自
許矜微尚相期遇賞音塞鴻向何處力盡白雲深

萬柳堂

橫雲池館已荒涼衰柳今依蓮佛場細路獨來尋曲澗

孤亭無主對斜陽，藍搖霜氣飛千點。雁過風稜併一行，
惟有西山畱過客。溼嵐欲墮石橋旁。

似聞春露濯靈姿，上客先拈白鳳詞。花氣撲簷香是霧，
歌聲吹夢雨如絲。我生已晚悲前度，樹豈能言感昔時。
日暮陂塘迴瘦馬，碧雲黃葉去何之。

晚望

吳山應在白雲堆，半壁金藍返照開。七十五亭容易數，
飛鴻祇是不歸來。

題畫

青山數點遠林秋，絕似三菁古渡頭。漁父不來江水闊，

西風吹老白蘋洲

寄胡習亭

卿

歸心秋思逼天涯
楚水吳山去路斜
君向晚煙迴首看
杜鵑聲裏水蒹花

送僧還彭城

舊事猶聞六一泉
惠公親自裹茅椽
醉翁何與枯僧事
一聽松風便黯然

懸水村前訪故居
新隄十里轉平蕪
垂楊不記秋風別
青眼年年望大蘇

得汪龍莊書卻寄

又作三秋別書來十月稀至情無異語久客不如歸天
與饑寒性人今出處非勞君遠相望畱滯淚霜衣

寒夜有懷

寒月一庭霜天高急雁行朔風驚客夢我亦怨宵長舟
楫迷前度江湖有故鄉寸心還耿耿之子念無裳

寒夜論詩戲簡吳二衣園

奇筆翻空信有諸不持寸鐵意何如只言水面成文彩
誰向雲端寄素書磊砢未應扶翠竹玲瓏終見愛紅蕖
從今曹洞參三昧鏡月冰花總是虛

敢許閒清寄國風應憐風月本來空微君之故胡中露

要我乎期出上宮綺語舊曾歌白紵元關今已悔彫蟲
須知流水襟期在屈指春花十樣紅

宛轉柔腸可柰何由來勞者易爲歌更於何地裁紅錦
只是當時負碧蘿上日鶯花門茂苑春風蘭渚轉微波
若爲驢背循陳迹載得閒愁爾許多

蓮曲菱歌亦偶然幾人幽怨此中傳瓢畱漢水無多矣
竽列齊廷蓋有焉僕病未能調翠管君才信可理朱絃
祇應彈出清商調不使橫吹奏綺筵

漫從肥瘦較花拊一樣天香與世殊西子半腰非病也
東方千騎又多乎不知帶月羅妝去還憶淩波素襪無

下江言金 卷二
三
儲許同心織練素何須山路咏靡蕪

不分花枝與柳枝拈來微笑總相宜可知範水模山句
多愛風清月白時銀海迷離誰得辨天吳顛倒更何爲
邇來領略虛中味藝苑應推一字師